

CON/38/2016

**ASUNTO: INFORME SOBRE AS OFERTAS PRESENTADAS PARA A LICITACIÓN
DA PRESTACIÓN INTEGRAL DE CONSERXERÍA E LIMPEZA DE VARIAS
INSTALACIÓNS DEPORTIVAS MUNICIPALIS**

Con data 11 de decembro de 2013 recíbese solicitude do técnico de programación e xestión deportiva de informe técnico respecto da proposta de implantación de plataforma informática para seguimento do servizo tal e como se recolle no artigo 10.3 "criterios de adxudicación" do PCAP, xunto con copia da documentación relacionada con este apartado correspondente a oito empresa licitadoras.

1. ISS SOLUCIONES DE LIMPIEZA DIRECT SA
2. UTE OS VENTOS INNOVACIÓN EN SERVICIOS SL + AXIÑA SERVICIOS DEPORTIVOS SL
3. UTE SOOM MANAGEMENT SL + ESPROADE SERVICIOS INTEGRADOS SL
4. FERROVIAL SERVICIOS SA
5. UTE MANTEL NOR OUTSOURCING SL + MANTEL NOR LIMPEZAS SL
6. ELEROC SERVICIOS SL
7. BRÓCOLI FACILITY SERVICES SL
8. LACERA SERVICIOS Y MANTENIMIENTO SA

Posteriormente o técnico de programación e xestión deportiva comunica que inicialmente non procede avaliar a oferta presentada pola empresa UTE MANTEL NOR OUTSOURCING SL + MANTEL NOR LIMPEZAS SL, que polo tanto non se ten en conta neste informe.

No prego inclúese o seguinte criterio de adxudicación: Implantación nun máximo de catro meses dun sistema informático de seguimento e control de servizo, de 0 a 8 puntos.

A puntuación repártese do seguinte xeito:

- 6 puntos: ofertas que expresamente incorporen o compromiso de implantación e posta en marcha deste servizo, segundo as condicións que se establecen no prego.

- Ata 2 puntos: compromiso de posta en marcha nun prazo inferior aos catro meses establecidos no prego, segundo a seguinte táboa:
 - o Prazo non supera os 2 meses: 2 puntos
 - o Prazo non supera os 3 meses: 1 punto
 - o Resto das ofertas: 0 puntos.

Posteriormente confírmase co técnico de programación e xestión deportiva que nalgúnsas ofertas a información sobre o segundo punto (prazo de posta en marcha) non se inclúe na documentación recibida, senón en apartados distintos do documento.

○ informe limitase polo tanto a verificar o cumprimento do primeiro punto do devandito criterio segundo se establece no prego, sen realizar unha comparativa detallada das solucións en base a aspectos técnicos ou funcionais.

A este respecto, todas as ofertas expresan o compromiso de implantación dun sistema informático sen que se teñan detectado incumplimentos do prego no que respecta aos requisitos mínimos, sen prexuízo das consideracións puntuais que se achegan nalgún caso:

1. ISS SOLUCIONES DE LIMPIEZA DIRECT SA

Inclúe a ferramenta informática Checking Plan. Aporta unha tableta 3G con NFC para cada centro para a xestión do servizo e un servizo de fichaxe presencial baseado en NFC.

2. UTE OS VENTOS INNOVACIÓN EN SERVICIOS SL + AXIÑA SERVICIOS DEPORTIVOS SL

Inclúe a ferramenta informática MantisBT en modalidade SaaS (software as a service). Aporta un móvil con sistema operativo Android para cada centro.

No que respecta ao control de presencia, a oferta indica o seguinte:

"3.5 Ferramenta para control e xeoposicionamento dos móbiles

Os móbiles ofertados pola UTE terán instalado un sistema operativo Android co servizo de "buscar o meu dispositivo", o que permitirá coñecer en todo momento a ubicación precisa do persoal que leva o teléfono nese momento. Para iso todos os dispositivos estarán vinculados a unha conta de Google, e o Concello disporá dos datos

de acceso a esa conta para poder consultar a precisión dos mesmos en tempo real".

No caso de resultar adxudicataria, recoméndase comprobar que esta solución ofrece a funcionalidade completa de control de presencia, e non unicamente unha visualización no momento sobre o mapa da situación de cada dispositivo.

3. UTE SOOM MANAGEMENT SL + ESPROADE SERVICIOS INTEGRADOS SL

Inclúe unha ferramenta informática en modalidade SaaS e un sistema de control de presenza baseado en tarxetas de proximidade RFID cun fichador en cada centro. Inclúe unha central de reservas en liña.

4. FERROVIAL SERVICIOS SA

Inclúe a ferramenta informática Celantec (ou similar, por exemplo: Ferramenta GPN do grupo ITELSIS). Aporta 20 terminais móbiles e 220 dispositivos NFC para rexistro de presencia e seguimento do servizo. Inclúe un módulo de *business intelligence*.

5. UTE MANTEL NOR OUTSOURCING SL + MANTEL NOR LIMPEZAS SL
Non analizada.

6. ELEROC SERVICIOS SL

Inclúe a ferramenta informática Vigilant NFC Professional. O control de presencia realiza instalando un punto de control NFC en cada centro.

7. BRÓCOLI FACILITY SERVICES SL

Inclúe a ferramenta informática GEOS. Aporta un smartphone para cada instalación con xeolocalización e o software GEOS.

8. LACERA SERVICIOS Y MANTENIMIENTO SA

Inclúe a ferramenta informática Jano. Control presencial a través de smartphone ou PDA. O programa soporta fichador biométrico, sistema de chamada, ruta de puntos fixos NFC e xeoposicionamento. Non especifica cal ou cales usará en cada caso.

En base a isto, achégase a seguinte táboa de puntuacións:

#	OFERTA	Mellora	Puntos mellora
1	ISS SOLUCIONES DE LIMPIEZA DIRECT SA	SI	6
2	UTE OS VENTOS INNOVACIÓN EN SERVICIOS SL + AXIÑA SERVICIOS DEPORTIVOS SL	SI	6
3	UTE SOOM MANAGEMENT SL + ESPROADE SERVICIOS INTEGRADOS SL	SI	6
4	FERROVIAL SERVICIOS SA	SI	6
5	UTE MANTEL NOR OUTSOURCING SL + MANTEL NOR LIMPEZAS SL	NON ANALIZADA	NON ANALIZADA
6	ELEROC SERVICIOS SL	SI	6
7	BRÓCOLI FACILITY SERVICES SL	SI	6
8	LACERA SERVICIOS Y MANTENIMIENTO SA	SI	6

Santiago de Compostela, 22 de decembro de 2017

O xefe de servizo de Informática

Asdo.: Jesús Rodríguez Castro

